



王穉玉文集卷四

啟

賀趙寧守中丞

伏以瑞靄四維元老萃峨眉之秀先生南極壽星添大
華之輝慶溢三秦懽騰百吏恭惟執事文移斗象德映
台垣懸霄皎月依然琴鶴之清風遍野甘霖再見鳳凰
之嘉_時文_維六月序應謙亨_日躔鶉尾陽光照東井之墟天
錫麟祥巨曜產西渝之域茲蓋九霄欲起中興之業而
重賚傅巖故三巴獨得靈氣之先而再生申甫矧百二



關河仰見弓懸之偉績而萬家黎庶欣逢蓬射之芳辰
圃蒼生於壽域爭呈玉海之芝登赤子於春臺共獻瑤
池之果亮草茅朽質被律而生穉桃李末枝藉陽和而
吐色懽承虹旦翹仰龍光守羈執戟無繇縮地而稱觴
才乏揮毫謹效呼萬嵩而奏頌伏願齡齊日月勲著華
夷白雉貢琛喜中國黑頭宰相青鸞投秘覩人間綠髮
僊翁千椿不老年年開堂上之芳尊五桂齊榮歲歲舞
堦前之彩袖

復曹荔溪中丞

恭惟臺下寰宇人英清朝臣矩搗藻揆天庭秀奪碧鷄

之色昌言陳魏闕光生青瑣之班宅京兆而風播清聲
四郊頌德鎮西江而不揚憲紀百職仰成誠哉威鳳之
在虞庭卓矣瑞麟之遊周甸行且入總銓衡之寄晉司
鼎鉉之尊當宁喜得乎鉅人縉紳共推乎正鵠此蓋士
林之夙附非特一介之私言也亮東海豎儒豫章未吏
仰荷帡幪之惠敢云桃李之枝濫附鸞班不勝蚊負未
效涓埃奚酬知己之遇勉圖獻替無貽門墻之羞伏望
德業日新彭蠡振華胥之治寵光遐被樗材仰大造之
仁彌縫其闕匡救其災下吏之所覬覦也出而撫循入
而端揆廟堂猶有深賴焉亮南望星臺奚勝瞻依惶悚

之至

與陳幼溪司寇

恭惟台臺文輝南斗清風遠紹于聚星威振西臺白簡
長扶乎紫極浙右無肺石之寃于公再見湖南多甘棠
之澤名伯重逢丹宸傾心蒼生屬望佇見陟銓樞而司
鼎鉉行者為霖雨而繪麒麟矣亮瀛陬末學樗櫟淺才
迂遇愚致忤當途偃蹇久羈塞圍豈意鹽車之負幸依廣
廈之陰肅趨未覲于龍門飛翰忽來于天上雄詞爛騰
雲錦珍幣重錫珪璋長者之貽不敢不拜謹領豚鱗佳
釀并捧寶刻篇餘儀附璧裁楮申謝嗣容齋沐顙啟翰

愚誤遇

誠臨楮主臣仰惟台照

請徐元虛侍御

伏以途開七聖名陬來衮冕之遊序值一陽勝景喜繡
裳之賁山川見節旄而動色草木逢雨露而生春恭惟
執事嵩衡毓秀胸羅三教之淵源河洛鍾英筆掃九天
風雨負斧西巡滿路帶秋霜之肅褰帷問俗萬家賀冬
日之溫况地當哲皇履勝之區而時值君子遊道長之
候總馭馭俯蒞僊山伏望命駕登臨遠邁南樓之興
震威歷歷共依北斗之光將見珍禽開道皂囊與元鶴
可異并迎軒玉簡與瓊蕤並麗秘闈三乘八千歲之

行元向疑當作衡

齡益永勳高九棘五百年之名應期

啟周心銘御史

伏以所奉運瓊甍散萬井之祥光斗轉春和玉簡荷
九霄之恩眷懽騰宇內慶溢人羣恭惟執事氣排冬凜
德協陽舒威聲與華岳爭高汪澤與北溟並遠照蒼龍
於左角呼吸風清圖瑞燕於西陸陰陽和洽茲者杓旋
北斗漸看煖入秦川旗閃東郊頓覺寒消雪岫黔首龐
眉共奏黃鍾而歌律呂雕題綠髮咸消兵甲而事春農
亮懽承憲度幸際熙辰繫匏邊鄙莫伸展謁之私翹首
臺端奚罄瞻依之念伏願衮裳增耀簪筆流輝伸忠謹

以徹重瞳春覃虛霽協訂謨而躋九列化洽華夷曳履
徑上於星辰合璧長依於日月亮不勝欣喜踴躍之至

啟梅鶴洲司馬

伏以帝座鉅人麟紱應三才之瑞天開壽域鶴齡齊九
轉之奇宿曜南辰懽騰西蜀恭惟執事勳高太華學邃
青溟文星輝於井絡山甫再生良弼資自穹元鹽梅胥
賴爰值首春之令正當弧祝之祥月應三陽之開泰人
道亨嘉日為二十之良辰上元初度梅柳江春進緋桃

霞海曙傳青鳥于瀛洲且堦前舞袖依馬萊

捧觴蔚矣謝庭之秀矧乎九斿貢琛喜

二候是以三秦協慶共摠嵩呼封祝之忱
言為謬荷帡幪瞻麗日之照臨躬逢誕嶽載春
風之披拂競頌岡陵伏願愛身愛國長培龍馬之精神
多壽多男叠見鳳毛之爛熳海屋春長八千歲懽承寵
眷瑤池晝水億萬年歌舞太平

賀王竹溪中丞

伏以帝座鉅公應千載明良之會天開壽域當六陽亨
泰之辰元精毓于嵩而一柱立二儀之中正氣協于長
庚而四鎮仰三台之耀懽騰朝野慶溢華夷恭惟執事
學紹河汾上接宣尼之統緒名齊梁苑遠超賈傅之文

章掖垣多謇諤諫書與日月爭光邊塞擅謀謨偉績與
麒麟並茂茲值端陽之月正當生甫之時五龍二老共
添海屋之籌八郡三關齊效華封之祝亮東海波臣仰
藉北溟之末潤西陲蠓吏喜瞻南極之餘輝心懸臺閣
莫輸西母之桃目注旌旄敢獻野人之藿伏願福協箕
疇年齊魯頌青鳥傳丹八千歲之春秋愈盛彩鸞啣詔
五百年之勲業逾新

請梅司馬公宴

伏以瑞氣藹三秋涼飈初肅佳辰逢九月乾德增新粵
逢達士食秋菊而曠懷稽古鉅公登高臺而豁目况值節

旄之暫駐正當日月之重陽景與時逢懼同感暢共惟
執事洪鐘震夷夏穆如商律之和風瓊燭炳乾坤烟若
景霄之皎月青海波澄走寒盧者知天朝之相司馬黃
河鏡徹獻白雉者謂中國之有聖人朱旗赤羽祥雲方
耀于烏蘭翠蕊金葩勝槩恰逢于重九亮等喜瞻莼節
願獻霞卮依輝光于北斗敬將野老之芹迂駟從于南
山竊效詩人之祝伏望鼎勳衍千千之歷而要荒侯甸
誇五福之隆海屋添九九之籌而武吏文僚共荷萬間
之庇

與鄭範溪經略

伏以金鼎握樞斗望久孚於中外玉旄授鉞霆威益震
于華夷百代希逢三秦快覩恭惟執事五嶽鎮地一柱
擎天才全文武壯猷紹安遠之聲學貫天人道統繼康
成之緒鐵面躍花驄蔭澤與巴江並邃銅標揚紫塞勳
名與恒嶽爭高可屬大事宸衷早已識琦中國有人異
域尤欽相 茲者小醜敢肆跳梁爰命鉅公來據籌畫
九列廷推共讓無雙之偉略一人特簡行收不世之奇
功擁麾指顧先聲驚默噉之魂破斧勤勞妙算繫呼韓
之頸亮雲塞十年仰叨國士之遇秦關數載長懷知己
之恩不謂芳辰重瞻赤烏謹陳野蕞恭迓雲車禮明燕

喜安社稷端奉廟謨敬進兕觥戀門墻更親警效伏願
樽俎折衝斬樓蘭而澄波青海圍棋決勝梟克汗而勒
石初連惻五位持衡之望定知喜動龍顏進九夷貢矢
之圖佇見勲昭麟閣

與戴貞石納幣

伏以闕睢咏萬化之原好迷惟先擇德周典諧百年之
慶納采首重問名恭惟閣下東晉華宗大雅久誇剡水
南州茂伐精忠獨著熙朝榮名日月齊懸旂常炳耀廟
食春秋妥侑俎豆騰輝崇勲上感重元慶澤永垂芳裔
掇魏科于浙省聲馳十一郡之雄擬獨對于來春臚唱

三百名之首世德發祥郁矣文章禮樂偉人應世居然
舟楫鹽梅令愛玉婉儀溫麗閨範端莊名閨毓粹不數
咏雪之才義訓流徽遠邁瞻星之譽切念寒宗肇源淮
水文獻遷越蘭亭遺跡猶存忠懿起閩車溪封樹尚在
五葉幸叨甲第一門惟守素風兒駱年甫五齡粗知章
句敢初七步亦習箕裘愧無中雀之能幸荷乘龍之選
謹詹吉日重以良辰敬申納幣之儀允締倚玉之誼伏
望台慈鑒允亮不勝懼忭踴躍之至

與徐元宇納幣

伏以葩經咏麟趾之祥聘諧二姓周禮重鸞鏘之幣好

洽百年恭惟太翁閣下高風下榻清芬風播于東京理
學留羶雅操益昌于南宋姻媿帝室官紹辟雍頽顏宛
似僊班錦誥佇來天閣親翁閣下垂髻拔雋總角登科
詞雄三峽早懸菽苑之旌筆散五花擬奪宮袍之彩瓊
樹竒標允矣寰中麟鳳金甌首選行看天上夔龍令孫
女芝容婉淑蕙態莊嚴太末流徽河漢授錦梭之巧藍
橋毓秀神僊期玉杵之緣切念寒宗遡流桐栢脩竹茂
林忝續山陰之舊第瑤編寶冊更叨閩嶠之分封駙馬
與德門文祖並締英娥司成與先世大叅復諧秦晉小
孫位年方幼穉頭角頗似不凡家本舊姻朱陳實緣世

講既荷繡屏中雀敢布上國乘龍敬申六禮之儀用訂
千金之納伏惟俯賜海涵亮曷勝踴躍感戴之至

與周冲菴納幣

伏以詩咏百鸞嘉禮好述淑德律諧雙鳳仙風夙尚良
緣倫肇閨原化流壺範問名孔肅納采宜虔恭惟太翁
閣下華宗遠推姬汝道遡岐雍學脉近紹濂溪教敷光
霽排闥三台挹靈秀文章雅擅班揚環門兩水護神皋
闕闕久雄陶倚親家閣下菽苑獨持赤幟棘闈萬選青
錢揚芬鳳翥英標擬安漢之家聲唾手龍門鼎甲卜周
旋之族令孫女孟光德邃道韞才高芳容儼冰玉之姿

魯頌當作魯頌
元孫同

慙質似琳琅之潤竊念寒門忝承世範觀鵝悟墨妙自
比家雞乘馬樹勲名魯頌國券累累叨沾帝德素餐共
守官箴小孫育年方幼穉性頗溫良思續箕裘知勤章
句敢慕齊眉之侶愧非坦腹之才喜藉海涵欣承金諾
謹詹吉日敬申六禮之將仰冀恩培永締百年之好亮
深惟懼忤踴躍之至

答陳玉陽納幣

伏以名高閭閻元龍久羨華宗寵溢門楣卜鳳欣逢佳
壻赤繫綢繆月老錦章煥爛天孫恭惟親翁閣下德門
星聚清光首耀元方理學雲仍道脉近繩大祖芳潤五

車菽苑秀騰赤幟珠璣萬斛棘闈光映青芝斗南共仰
真魁宇內爭看大匠佇見禮闈第一重誇廷對無雙螭
頭珥筆居然盛世斗山麟閣紀勲允矣熙朝柱石令郎
第五公子九歲神清碧水雙眸光映白眉展卷十行俱
下英姿岐嶷神駒操觚七步輒成頭角崢嶸倚馬池上
鳳毛疊產天邊鵬翮初翔小孫女年甫四齡初識金梭
之巧祈脩四德敢希寶樹之緣祇因管鮑舊知三世叨
同甲榜是以朱陳夙誼百年長締姻盟既承不鄙葭莩
敢不仰遵羔鴈敬申尺牘用答洪慈永諧連理之懽共
兆螽斯之慶亮深惟忤踴躍之至

啟周莘野老師

亮東海鄙人耳荷我師造就拔起泥塗之中遂使樗櫟
之材與公門桃李相續紛焉生成大惠直與天壤等矣
顧亮竊祿鍾陵倏更寒暑而關河遼邈一介未馳踈慢
之罪即百口奚辭哉然非敢自外于知己也日惟我師
榮膺新命假重瑞陽雖于崇秩不無少抑願舍巴中夷
陌之地而與鳳山錦水相對徘徊蓋亦失中之得也且
焉公論章明大拜伊邇而亮也違顏咫尺山斗瞻依不
覺喜踰常格矣何幸即欲摳衣函丈一展夙懷緣明禁
方嚴積誠未遂俟入新秧秋當得一侍講席也茲遣吏人
持書扣謁聊致賀忱并申起居之敬臨楫瞻戀神與俱
馳火雲炎蒸惟為社稷自珍幸甚

賀劉雲嶠連捷

昨扁舟過豫章深承厚雅西蜀遠在天末久稽裁謝疎
曠何言日惟足下連捷鱗魁大攄竒抱名世勲業此其
兆端也不佞亮夙叨一日之雅不覺喜而欲狂則孟子
輿所謂不寐者殆又過之計此時足下且讀書中秘珥
筆螭頭矣不佞邊塞孤踪奚勝倚賴願有懷耿耿縮地
末由知我幼安亦同此情也謹差家僮持書走謁并致
賀私不腆之儀伏惟麾頓幸甚

啟張嵒峽中丞

竊惟天生偉人為社稷計也正嘉之間南北多故矣王文成公以名世之目一揮而蕩平之且又發明正學獎引後進世謂文成在聖門可當顏閔之亞者邇來南夷北虜赤子潢池黥哆之勢至厯聖慮我明公設笑折衝所試輒効往歲江右渠魁之殲今者遼左二之戮即英衛且將讓步何況時流也蓋明公勲名學術伯仲文成而揮毫過之所謂問世鉅人非耶亮不佞自童穉時輒聞先生名願為執鞭焉乃今得覲顏面矣顧碌碌京塵久疎修候昨承翰貺遠及報謝未能茲覩奇勲告成奚

勝忭喜敬遣家童持書稱賀并布謝忱外拙句一冊錄上請正真雷門之布鼓耳惟大宗工幸裁教之不勝上願

復郭巡撫

方今聖主當陽群正秉軸海內之明公鉅卿駸駸盡入朝宇矣嶺南數十年來民苦繁政門下一洗而新之都人士靡不知有郭令公者是大明銓衡推轂未幾何摧總南臺矣未幾何晉握鏡樞矣命下之日都人士又靡不嘖嘖興嗟謂當宇知人之明世道亨嘉之會也亮不佞何幸目觀其盛哉願亮風景前修未申尺素乃承

翰教先之奚勝佩感也使旋虔此脩謝斗山在望臨楮
瞻馳

與吳南洲少司空

亮久役豫章碌碌未有奇節逐隊而趨亦未能自表見
也門下坐鎮江藩照臨郡邑長吏妍醜靡不鏡之亮獨
天幸過為門下所識拔茲者濫竽諫署門下援而授之
也每向鍾山而增睇邇淮水而興思道阻長末由扣關
請謁添此悠悠耳不謂門下更念屬車遠頒翰教焚香
啟函具感明德重以腆惠臨之則何以當也心謝心謝
恭惟門下功在社稷名播華夷開閩粵西簡自當宁知

大牙所指三江五嶺之間靡不畏威而懷德矣何者其
勦撫之勲百蠻信服旬宣之惠八郡綏懷茲仗鉞使君
重慰父老之望如此也願廟堂之上推轂鉅才如出一
口桂林象郡之間恐不能久駐旌旄耳非敢為謾也亮
最無似竊祿踰時靡所建白恐負知己門下亦何督教
之不勝大願使旋虔此奉候台嚴敬陳謝悃翹首南雲
臨楮依依

復金我元年兄

東粵夙稱都會文物甲於上州久我朝丘瓊山叟獨以
鉅才奮起海內為時宗工邇來則歐楨伯亦其卓卓者

久字下疑有脫字或
添矣字或衍久作矣

時字下疑有脫字

也足下晚出顧操觚染翰不愧前人五嶺三江秀鍾乎
是矣弟東海鄙人也獨邀天幸乃附驥足兼荷同聲之
好六載于茲乃今策馬燕都而足下揮麈牛首雲樹之
思兩地俱懸忽辱手書喜不禁矣更以綵補之惠出於
清暑也何緣以物饋人哉謝厚意謹領而服之如對故
人也使旋草率附候良晤何時書悵悵

復韓侍御

聖天子軫念寰宇恐澤弗下流特簡臺臣中正直端諒
者巡行諸大鎮命之負繡斧而肅百寮馬門下以峻望
清風膺茲寵任星軺所指大江以西望嚴霜而震慄矣
乃冬日之政又足以燠舒而休養之豈特豐蔀蒙仁即
廟堂亦重有賴哉亮東海鄙人也竊祿江藩叨從郡吏
之後獨天幸濫預清班蓋門下波及之也曩曾附宣車
謝計徹臺端重承使命遠臨奚勝感佩更有請者亮竊
驚下思過省愆實懼隕越伏望門下督教而維持之真
上願也尊使告旋虔此奉候居起肅致謝忱南望光儀
瞻依悚仄

啟唐養純觀察

暮春歸省道出會稽放舟剡溪山水間遙望轅門一扣
聞而請謁焉殊慰積懷也辱門下高誼前驅枉顧寵以

華筵終日晤語相對歡甚抗手而東順風鼓柁乃將迎
贈送又加隆焉種種踰格也首夏抵鍾陵幸叨取數下
走驚劣非門下掖而登之奚緣得此疇能為謝祇有刺
心未幾何門下擢憲西江矣駕星軺奉專勅照臨盱汝
之間又門下棠蔭之舍也當其時白叟黃童靡不頌之
曰父母使君牽帷迎笑門下亦一愉快否亮不佞才離
豫章積愆猶在人耳總恃門下拂而拭之耳且也建昌
郡為先大父舊遊之地父老諒能口之倘藉寵靈為先
大父加意闡發即門下之殊恩尤亮子孫之大願也不
勝懇懇茲因瀘溪君陳大用之任附此一候起居千里

樹雲悠悠我心矣

啟山陰張明府

亮不佞翁鄰境子弟也夙欽芳範未遂瞻依幸於都門
一望顏色獲聆元奧之旨濶別以來又三時矣惟門下
南斗雄文長淮名俊分符理邑循茂冠群山陰父老喜
復得一神君矣波及旁郡下走亮實與有沾被焉邇來
當事者議寬久任之法計入新春門下當鳴珂長安矣
非敢為謾也別久懷思江鴻之便屬舍親吳炳思授選
紹興訓導附此一候起居吳君叨在後車惟翁稍垂青
盼焉不勝幸甚

復張龍峰中丞

亮竊伏海濱夙聞舜姚之區有龍峰先生久矣顧無由
一扣閣請謁焉久虛執鞭之想耳邇者濫竽諫署明公
又拜之廬也時于鐫碑中一覩高名躍然生色亮也何
幸得附班聯也未幾何明奉簡命鎮虔南鬱孤章貢之
間皎日臨之矣桑榆鄙生瑣垣後進喜而抃舞矣又奚
言哉此蓋為吾道喜為吾君喜為吾鄉黨喜非亮一人
之私喜也第亮生平鹵莽頗亦有志先民之學茲者授
以言責輒復茫然無所指歸邇維稍有陳說總之皆繆
之說也明公乃不鄙遺而獎與之豈不增愧獨請復文

新下疑脫悠字

成之祠則差慰夙心耳明公許之否方今國運熙泰舉
措新明朝署上下彬彬麟鳳可謂希特矣明公偉然碩
望旦夕間當入佐清時詎能久羈閫鉞哉亮不佞不敢
以諛獻茲特修寸楮附使一致謝忱翹首南雲奚勝愧
倦也

與蔣惠齋文

昨歲歸做廬數造階序屬兄尚在途未遂良覲比弟策
騎郊關之外忽承雲翰臨之知已稅駕抵庭除矣弟行
色匆遽母能造請一把袂也快快至今弟藉台庇竊祿
諫垣數月矣雖稍有陳說總屬繆悠吾兄亦聞之否兄

諳於世故老於典章凡可敷陳幸時示德音焉家君南還肅此申候雲樹關情臨箋忽忽不知所云

復陳寅所年文

都下馳驅日聆元論嘗竊計之宇內人龍如我丈者未易數也頃緣承乏鄙人獲任鍾陵我丈以鄰壤之由錫之腆貺拜嘉登受愧謝良多匆遽別來倏忽又更寒暑矣俗吏鞅掌遂不及馳尺一于候吏慢之罪復奚辭哉邇者艤舟市汜獲瞻年伯父子堂下乃承廩人授食麟鳳迭侍通家意氣豈曰尋常已而聞丈啣命至矣方擬顙人恭迓道左間乃復惠手書重以多儀之辱禮意稠疊愧何以當每一思之未嘗不汗淫淫下也茲聞年伯父華誕屆期我丈以皇華貴人稱觴上壽古今勝事萃于一門顧弟羈于官守不獲登臺頌祝歎也何如計承台照茲遣隸人趨叩堦序敬致賀忱密邇光儀曷勝翹仰不宣

啟金存菴先生

昨歲羈迹都城獲領翰音更拜腆儀之錫倉卒陳謝負罪何辭授官南來遂疎問候恭聞簡召緣羈于官守不獲少展賀忱山斗之瞻私衷恒耿耿也伏惟臺下內聖外王之學忠君愛國之猷寰宇傾心廟堂倚重匪朝伊

夕當晉司台鼎上應昌期斯文之統將大明大行矣匪
佞匪佞顧亮竊祿進賢才疎任劇官半載無一善狀第
乾自持不敢少踰繩墨則數奉教于大人君子矣伏惟
臺下汲引後生亦何以提携之造就之否也茲遣家僮
持書扣謁少陳謝悃并候興居于冒崇嚴悚息悚息

與李虛谷諫議

都城邂逅獲展光儀龍門一登深竊慶幸明公不以為
鄙進而教之行間寵錫多儀廸以至訓且復移書當道
極荷維持謏劣庸人感茲殊遇每一思不知其愧汗之
何從也歲杪抵任倏爾經年簿書案牘之勞遂缺問候

踈慢之罪即百口奚辭日惟執事德望冠天垣直聲滿
寰宇匪朝伊夕當晉宅台司為國柱石矣如亮竊祿衡
途每思策勵以仰酬知己第恐才疎任劇不免愆尤未
審台慈曲賜造就否也承惠王雲泉書已致敬之矣雲
老高才雅致掄魁可期真亮所願從游者邇已主會省
城當道咸器重之矣諒執事所欲聞也故併及之茲遣
家僮持書扣謁少展謝忱併申起居之敬時下金風應
候仰祈為國珍攝以膺簡在不宣

復徐后岡明府

弱冠辱翁雅教轉盼十餘年矣每于三三知己處劇談

時事私竊計之方今東南河道西北夷情倘得翁一二斟酌其間可不勞而集奈何乎以名世之才久羈林壑如蒼生何度之天理稽以人事匪朝伊夕當起安石于東山矣非為諛也顧俗吏方在執掌未遑修一介于長者之門疎節如此奚說之辭翁乃不以為討辱惠華楫更拜腆儀之辱何以當之惟有銘刻而已矣使旋草率附謝并候興居秋深薄寒仰惟為道珍攝以膺簡台不宣

復徐孺東諫議

客又奉候傾耳元設令人恍然如有所得已而之任鍾

陵倏更寒暑虛糜廩祿殊為知己者羞足下不以為鄙辱厘使命更拜腆儀重以惜陰之箴深切肺腑下走雖不才數奉教于大人君子矣邇緣改折徵銀不免稍加鞭朴每一思之殊為惻然即欲為姑息恐誤國儲亦非臣子盡忠之義通融酌處當事恒苦心焉猶未有一定之畫也利國宜民足下必有奇策幸無秘我當遵而行之矣尊使告旋謹令役夫持書陳謝且致生芻之敬于太老先生之前愧不成禮也惟台照之幸甚不具論

與穆龍峰太守

客歲艤舟毘陵獲瞻台斗之餘輝竊聞大雅之緒論令

人顯蒙頓豁鄙倍潛融薰以華設厚施寵踰分外海陬
鄙人何幸何幸別來抵任寒暑倏更日較簿書未遑修
候疎慢之罪即百口奚辭日惟明公德望休隆勲猷懋
著學士沐菁莪之化編民覃膏澤之施震水澄波錫山
增色東吳一郡益然于春臺華胥之中而家君深荷陶
鎔鄙人且沾餘潤謹鏤心膂何俟貌言初冬得晤令弟
老先生詢知道候享嘉且聞德門協慶殊慰佩德之懷
顧亮竊祿鄰壤虛糜歲月無善狀可與知己道者伏惟
明公惠此邦人亦何以督教之否茲令蒼頭持書扣謁
臺端少陳謝悃并候起居之敬干冒崇嚴不任頌越惟

高明無督過焉幸甚

與黃麟原年兄

四海之士應時而起稱為同年生暱矣而僕與足下復
同一師門語相得也詎寧偶然哉比授官南來足下會
吳中僕亦得宰江右而家君服官常庠實惟足下是賴
足下又時復庇覆之何幸何幸客歲深秋艤舟毘陵之
許辱足下厚誼稠疊踰恒常倍萬別來寒暑易矣未遑
馳一介于下執事緣苦於案牘踈作書也足下知我亦
諒之於形迹之外否耶茲遣蒼頭持書扣謁且致謝忱
南天雲樹寔勞我思序入凝寒惟加飡自愛

與楊濟寰年丈

曩者挾筴游上都獲探驪龍之珠幸接鸞鳳之翅未嘗
不沾沾喜也比授官鍾陵素飡閱歲而老丈鳴珂之聲
至矣駐節隣封蘭馨密邇又復為之大喜顧簿書碌碌
未遑遣一介相聞疎節之罪何言哉日惟老丈暮月之
政清譽燁然近候諸當道屢屈指時賢必首稱足下鄙
人為之欣且愧者久之匪朝伊夕當榮擢諫垣入佐天
子矣如弟迂踈無狀丈亦何以督教之否非敢為謾也
茲遣吏人持書走謁敬問起居臨楮恍然有落月照屋
梁之想矣不具論

啟暘谷伯父

往歲自都下歸舟次姑蘇未遑摳衣趨謝至今耿耿已
而道出婺州乃聞伯父之棹東矣吳俗多詐久處為難
當國者蓋將廣伯父之猷於四域甚盛心也顧亮抵任
及朞久踈問候比吳姻丈至具詢台福殊慰積悰乃塵
手翰遠頒益深感佩居無何而伯父閩中之命下矣八
閩近稱寧謐風俗厚淳君相簡在之隆此可槩見獨奈
何有伯祖母之變令人悽愴不寧者久之顧道阻且長
即欲專人奉慰未能也茲因僚友黃見川人便謹此申
候敬致香帛之奠於太夫人之前匆遽不虔罪甚罪甚

序入春和伏惟節哀順變以綏遐福不宣

與余念東侍御

都門奉謁獲展光儀俄而腆賦罷頌榮踰望外行色匆遽未遑造請辭焉罪一也履任經年辱翁惠書者至再矣而亮不能馳尺素于候人顧誠不肖疇敢自外于有道之門哉良以邑務紛紛坐是疎曠罪二也邇聞釋綉斧而服練衣殊令人歎艷乃格于新例毋能搢衣登堂一陳中悃亮罪三矣負此三罪者明公不以為討乃重錫華棧而鎮撫之且加惠焉明公之用情何厚也僕誠小人哉茲將治裝北行矣敬遣吏人馳書申賀并候起居倉卒不虔悚息悚息

與朱雲崢年兄

弟亮多幸獲與兄丈同事一方五年之間沃領教愛真異姓而肉骨也願弟藉庇得離苦海而兄猶然令公也豈獨兄丈苦之即弟亦每每扼腕矣雖然丈夫榮達有時吾儕進退唯命高人曠士廓然大觀無徒以得失攖懷致為造化小兒所笑也且也君子惧寔之不稱耳兄丈忠信于朋儔清修聞于都國深仁厚澤浹于丘民之心行將膺殊旌受異擢與古之循良比肩焉此未可與區區簿書之吏較雌雄也弟雖偶得一官方以不勝任

為惧兄亦幸有教我茲因書役旋虔此修候興居并謝
腆儀之惠日下旌書且至矣不佞弟掃榻燕臺以俟旃
惟之蒞也餘不脩陳

與許敬菴太守

亮浙東堅儒也愚無知識竊復沾沾自喜至于先達明
公發揮聖學者尤願為之執鞭焉授官鍾陵六年所每
與同志者啟口游談未得窺要獨天幸獲覩光儀聆眇
論頽爾豁然茅塞為闢矣方擬北面卒業焉乃復藉庇
入都遂疎謦欬行間又未能馳一介布慇懃也慢也何
辭都之人士相見者輒口先生四方交遊聞先生名靡

不延頸亮不佞端為吾道慶矣區區陞擢任途恒事毋
足為先生重且不敢以套語瀆先生也亮服官諫署三
閱月矣雖稍有陳說類多迂濶無當先生亦何督教之
否頗亦可與言否倘有便鴻時觀德音焉貴屬瀘溪陳
尹由都門之任附此一道仰忱惟地北天南瞻戀彌已

復曹桐峰公祖

最爾敝邑介在山海之間而形勝之奇與公曾賦之矣
襄得大君子揮玉塵邀遊其間而家君以書生親罄歎
亮也小子猶幸耳聞其盛焉今且十載許而過雲之音
尚鏗然于瓊臺夔闕間也至人一過山川增勝非然耶

非然耶顧亮授官鍾陵幾歲餘矣違顏咫尺而尺素未
陳疎節殊甚近會龍峰老先生一詢台履深慰積悰且
有以復家君矣顧承使命更惠腆儀敢不拜嘉祇用佩
刻使旋附謝草次不恭山斗非遙仰懷耿切不備

啟王敬所老師

違遠門墻二載于茲衝途劇邑應按不暇真寤寐間未
嘗不神游講席也日者家僮來捧到手書如瞻顏範且
備詢台福深慰積悰顧亮謏劣庸人而叨薦牘自非我
師維持培植何以得此于當道哉日異我師入總銓衡
榮膺台鼎亮小子不啻彈冠慶矣近於公餘閱星家言

禹陽玉吾二兄來春宜魁殿榜而斗溟秋試奏捷有期
第不由陸而由舟似為涉險亮力阻之不能得今聞已
抵陵矣謹附聞且預賀也新按院洪度豁如聞與師有
舊雅顧亮屢藉吹噓茲懼不敢復請矣此時做官如操
一舟於江中雖風波稍息而未臻彼岸自非當塗者極
力挽之疇能超然上進哉恃師覆育敢布腹心火雲獻
奇伏異珍攝以綏簡在以慰蒼生弟子不勝懇切不宣

與馬龍河年兄

燕邸聚首沃領元微離折南來有懷如渴惟文清暑貴
人玉京仙子冲襟曠抱卓爾不群豈碌碌衝途日與老

吏為伍者比倫哉顧弟於紛沓之中頗能以寧靜處之
似為有得耳承示手教惠我鍼石僕何幸焉特聞旌旄
已入盱江違鍾陵幾舍耳天靳良覲可若之何殊增悵
快五雲自是可人獨其辭行甚遽不及造語移時為歎
耳屬邑務旁午據案附言情縷未陳惟兄幸察

復曾乾齋年丈

京華首誼薄層雲離折南來寒暑易矣音問濶踈而光
儀在目每一念之不覺神飛大都上國豪英雲集如市
至如我丈以中和之氣發為閎廓之談根極道源發揮
閭奧可多得哉弟庸劣殊甚願納交門下自謂足慰生
平茲竊祿鍾陵無一善狀迺承手札獎借踰涯非所望
于知己也惟丈聲華殊卓特轉新都當路秉鈞者是非
不與如此吾黨良可賀矣未識丈肯出其緒餘以開示
蒙昧否若腆儀之貺則何敢當使旋附謝并謝家僮之
搜求論領悉不敢不效微勞也秋入郊原惟加飡自愛
幸甚

與丁句源年兄

僕迂踈殊甚不諧於俗獨天幸得接鸞鳳之翅乃足下
顧深許可之握手談心奚啻肉骨僕誠厚幸矣將實之
不副如知己何且焉碌碌一官倏爾歲月足下千里惠

言至再三矣雲樹非遙而未遑馳尺素于下執事僕誠
非人哉良以邑務糾紛坐是疎曠漳補在御何日償之
總恃鮑叔知我也日來官况何似耿中丞卓然吾道中
應與足下忘分之友聲華獨冠疇曰不宜舍親侯縣尉
過叨屋烏之愛感可知矣更足喜者麟兒滾滾而天外
友生母能浮白賞之如何如何君家二難斯稱連璧碩
弟且多馳驅不能數數造膝為恨曩効三寸勞敢以聞
左右哉惶汗惶汗茲將治裝北行據案書此語不成章
乃神與俱往矣江鴻錦鯉惠我雲箋不勝多幸

啟計益軒公祖

伏惟明公以振世之英借重敝郡台之人士過鍾陵者
咸嘖嘖焉謂自古立郡以來循良報最者雖代不乏人
而如我翁雄才異績可稱絕創蓋所謂不下堂堦而干
里大治者至如較閱諸士若懸鏡然即僕所目識則余
子養蒙陳子洛範錢子鳳墀陳子三桂皆夙有奇抱今
盡入彀中矣昔人云伯樂一顧而冀北之群無留良焉
非然耶非耶舍弟豪粗知向學即無論百家諸子言靡
不閱覽而戶外事一無聞焉今且受知門下謬等桃李
之班而娣夫生員柴某亦藉吹噓少舒抱璞之恨則豈
特家君與僕感佩無涯而先妣有知亦當思啣結于地

則字疑錯并有脫字

下矣顧亮羈於官守道阻且長弗獲振衣登堂一陳謝
悃耿耿若何茲遣小倅持書申謝敬候起居景風應律
火雲奏奇惟為社稷自珍以膺則蒼生幸甚不佞幸甚
與鄒瀘水
恭惟正人登朝社稷蒙福海隅蒼生靡弗舉手加額也
者矧亮叨一日之雅其喜而不寐可知也昨王斗溟歸
獲捧手教慰我索居邇來聞問久踈馳仰益切計榮俸
將及三年臺諫虛席俟矣不佞邊塞孤踪豈勝倚賴願
有懷耿耿縮地無由耳知己念我何以策之謹遣蒼頭
持書走謁敬致候私獻一芹焉伏惟鑒在

答郭青螺文

下走嘗聞先輩云出處義利兩關頭須體認得明白下
走竊有志焉昨聞報劣轉於分固宜乃其中頗有悶悶
意便欲飄然東歸以反初服自謂可了出處關矣得老
丈一言點化便覺豁然始知吾儒學問尚有進于此者
一切計顯晦得失皆凡夫見也邇來越梅嶺望七盤似
覺有得意吾儕頭臚未白壯志未摠還當努報國圍政
當修兵法當講積儲當預種種皆方今要務下走奉教
大君子不敢不稍効鞭馳圖樹尺寸異日倘獲所願皆
門下賜也第秦蜀接壤聲聞易達不特蜀中遺垢仰藉

蠲滌而邊徼機宜亦時望指示計老丈當亦不我遐遺也如遇便風幸惠金玉以慰翹望蜀中有二書生一名周宇成都學生一名林棟華陽學生皆奇才下走偶因閱卷識之望翁時垂青焉異日不忝鍾陵章生也途次草草奉復尊教不敢為寒暄套語以瀆清嚴伏惟涵照幸甚

與蔡見麓

亮鄙人也智識寡昧學問濶疎步獵書史稍聞九流百家之言願學前修寔中一暴十寒之弊蓋未遇明師點化誰將頑鐵成金一念就正有道之心曷云其已頃者竊

祿鍾陵密邇仁里門下之餘言緒論時得而私淑諸人每思一謁先生亮願北面執弟子禮以証所學邇徼天幸獲從采末時奉顏色沃領言設益信名不虛立士不虛附且知孔門衣鉢端在是矣亮深慶依歸將來可望見道不謂遽轉秦中睽違左右可若何每一思之終夕不寐非敢貌言昨發錦城過承厚雅途次廣元復厯鼎翰兼惠珍儀佩服拜嘉感戀俱至謹修寸楮附使申謝明入秦關回瞻蜀道豈勝耿切不盡所懷

與郭青螺寅丈

亮西江舊吏迂踈疆直動與時違獨徼天幸兩侍台臺

揮塵之末俾得以覲清光而聆元旨誠厚幸矣乃奉大人君子察其無他賜而獎與之行間存沐雅情有加無已亮即有胸無心詎寧不知感哉奉違以來三月初旬方抵敝治地隣虜穴野無青草所轄一縣民多菜色第夷情稍安案牘無幾與慵懶之性頗相宜耳餘無足與知已道者頷仰斗之懷西望如結趨臺之願縮地無由耳未識門下倘亦垂情邊吏終其大惠否徐大司馬得告東歸二疏讓美矣如全蜀倚賴何昨已差吏稟候翁臺入見時幸為亮道感激意其上願也司吏旋謹差家僅持啟走候興居并陳謝悃外具不腆少致微忱伏惟

俯賜鑒存亮不勝幸甚

與同年慨時事

睽違兩月無日不思忽捧手緘如對顏面也慰甚藉甚云云者豈欲弟蹈其覆轍耶愚意以為學貴識體政宜達權方今時事多艱言利之臣紛紛四出問閭小民莫必其命我輩心懷獻曝術昧回天但願擔爵食祿者務為博大敦厚以培養國家之元氣寧容剝下媚上效婦寺小忠也即秋毫皆入大盈亦非盛世美談有識者之所耻道况未必然耶不佞弟偃蹇十餘年矣斷不敢工駿削以博名高專逢迎以希世寵寧為催科之拙無為

箕子之能寧與萬世論是非不與世途較曲直區區得失奚足問哉且焉弟碌碌一官屢被遷出第私心自許計生平一聽之天命寸衷以質之蒼瀨貪戀爵祿切弟所不計也迂愚賤性真知己所洞識也方今舉動獲戾吾輩直道者皆然世途多險不知仁兄亦有良策否專使古旋虔此修候起居申謝嘉貺併展風懷雲樹悠悠我心耿耿不備

